

# BMP-Wenk w Miłoćicach / BMP-Wenk GmbH, Miltitz

1. Interview ze sobudžělačerjom
2. Krótkowopisowanie powołania: metalotwarc – fachowy směr konstrukciska technika / Kurzbeschreibung zum Berufsbild: Metallbauer – Fachrichtung Konstruktionstechnik

## 1. Interview ze sobudžělačerjom firmy BMP w Miłoćicach, knjezom Davidom Wenkom

### Wot hdy Waš zawod eksistuje?

Cyle prěnje spočatki našeje firmy běchu we Worklecach a sahaja wróćo do lěta 1990. W lěće 2002 so potom naš zawod z mjenom BMP tu w Miłoćicach załoži. Smy jara zbožowni, zo smy móhli našu produkciu wutwarić, tak zo móžachmy w lěće 2014 na tutym městnje cyle nowu produkcisku halu z najmodernišej techniku zjawnosći předstajić. Tež socialny trakt a dotalne hale smy ponowili a modernizowali.

### Kotre znamki wot přichodnych wučomnikow wočakuječe?

Trjebamy wučomnikow, kiž maja dobre wukony w matematice, chemiji a w fyzice. Dale je wězo wažne, zo su do dźěla motiwowani, pilni a zo je zhromadne dźělo z kolegami dobre.

### Kak doľho traje wukubłanje?

Wukubłanje traje 3,5 lět.

### Kotre metale so pola Was wužiwaja?

Twarimy dźěle mjez druhim z wocla a aluminija. Su to zwjetša blachi. Ale mamy w našim skladźe tež dalše formy železa, kaž na př. wocl z dutym profilom (Hohlprofil) a tak mjenowany kulowaty wocl (Rundstahl), kiž hodži so po přeču kupcow wobdžělać. Nimo toho dźělamy z kumštnymi maćiznami.